



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

XV. Markgraf Ludwig bestätigt dem Abte zu Colbatz verschiedene dem Kloster Himmelstädt überwiesene Besitzungen und hebt einen Streit zwischen der Stadt Landsberg und den Bewohnern von Loppow, am 28. ...

Nutzungsbedingungen

[urn:nbn:de:hbz:466:1-55359](https://nbn-resolving.org/urn:nbn:de:hbz:466:1-55359)

XV. Markgraf Ludwig bestätigt dem Abte zu Colbaz verschiedene dem Kloster Himmelsstätt überwiesene Besitzungen und hebt einen Streit zwischen der Stadt Landsberg und den Bewohnern von Loppow, am 28. Juni 1326.

Nos Ludouicus, dei gratia Brandenburgensis et Lusatie Marchio, Comes Palatinus Rheni, Buarie et Carinthie Dux, S. R. I. Archicamerarius. Vniuersis Christi fidelibus, ad quos presens scriptum peruenerit, cupimus fore notum, quod cupientes honorum operum nostrorum Antecessorum imitari vestigia, ob augmentum diuini cultus in monasterio Loco coeli ampliando, nostras patentes litteras dedimus et dabimus, quotiens necesse fuit, venerabili et religioso viro Domino Theodorico, Abbati monasterii in Colbaz, prouisorio Loci celi predicti, et quia, quod prius neglectum est in litteris predecessorum nostrorum nuncque lucide expositum et declaratum per gratiam Dei omnipotentis exprimere in presentibus litteris volumus et conamur. In primis ipsam curiam Creuestorp cum omnibus villis suis in priuilegiis illustris principis Domini Alberti, quondam Marchionis Brandenburgensis felicitis memorie, predecessoris nostri, scriptis cum villanis, cum omnibus pertinentiis — — ratificamus, innouamus et approbamus et redditus mellis Domino Abbati et fratribus suis in Loco coeli presentium vigore litterarum lucide et expresse donamus. Et paludem ville Nyendorp de consensu et scitu illorum de Holtebothel totam et integram predictis assignamus. Et totam paludem ville Loppou usque ad paludem ville Genyn cum omnibus pratis, pascuis, piscationibus, quocunque nomine appellati sunt in lingua Polonica seu teutonica, predicto monasterio propter Deum donamus. Sed tamen discordiam quondam factam cognouimus inter illos de Loppou et ciues nostros in Landesberghe propter quandam insulam, quam dicunt, quod predecessores nostri illam ciuitati supradicte assignauerint, quam discordiam ita volumus presentium virtute litterarum cassare, ut inferius patebit. Ita plane, quod illi de Loppou dimidiam paludem eorum cum dimidietate pratorum perpetuis temporibus obtinebunt, possidebunt et perfruentur; Et ciues nostri de Landesberghe residuam dimidietatem paludis et pratorum cum insula eorum absque piscationibus in perpetuum obtinebunt. Quod si predicti ciues presentem nostram compositionem et discussionem laudabilem, sicut promiserunt id nobis et consenserunt in posterum, quod Deus auertat, nec obseruare, nec ratam habere vellent, tunc pro certo ipso facto omnium priuilegiorum, in quibus ipsis Consulibus et ciuitati predictae gratiam fecimus minuendo redditus nostros, scilicet de Orbore et aliarum gratiarum quarumcunque, quocunque nomine vocari poterint aut possint, per nos factarum aut faciendarum in litteris eorum contentarum sciant se integraliter per nos et successores nostros priuandos. Insuper annullamus in proprietatibus predicti monasterii tempore Domini Woldemari, quondam Marchionis Brandenburgensis felicitis recordationis, et specialiter ab illis de Wyninghen et illis de Maruitzen factarum et cauemus ipsi Domino Abbati et monasterio Loco coeli, quatenus habeant artifices suos in monasterio saltem textores, sartores aliasque diuerse artis magistros et quod libere vendere possint res et bona eorum in annualibus foris sine pacto, quod Stedegeld dicitur, in omnibus ciuitatibus ab hac parte Odere et quod exempti sint ab omni exactione, qualicunque nomine vocetur, et ab omni theloneo in terris, in aquis et per omnes pontes totius Marchie Brandenburgensis omnia feruitia in bonis predictis cum omni precaria habeant. Et si aliqua bona in proprietatibus monasterii posita a vassallis nostris emerint sine contradictione nostrorum successorum quorumcunque, pacifice cum suis bonis, que nunc jam habent, possidebunt. Item volumus et seriose mandamus sub obtentu gratie nostre et

privatione honoris, quod nullus vassallorum nostrorum Domino Abbati et conventui supradicto in dampnum et gravamen aliqua bona proprietatum ipsarum emere audeat quomodo vel presumat, et consensus plenus Domini Abbatis et conventus de Loco celi adhiberi debet. Alioquin ista emptio irrita erit et inanis. Et nocendum, quod Dominus Abbas et conventus de Loco celi omnia et singula sua bona absque omni vexatione privilegiorum suorum lesione ita libere, pacifice et quiete cum tali potentia et auctoritate debeat tenere, habere et possidere, sicut et nos totum dominium nostrum a predecessoribus nostris possedimus et per gratiam Dei possidemus. Renunciantes insuper solemniter expresse omni juri, actioni et impetitioni, quod vel que nobis, heredibus aut successoribus nostris in ipsis bonis omnibus et singulis expressius in superioribus litteris et privilegiis tactis et nominatim positus competeat, competit aut quomodolibet competere poterit in futurum. Recipientes ipsum monasterium Locum celi cum omnibus suis pertinentiis et bonis quibuscunque ac fratribus pro tempore ibidem degentibus sub nostra successorumque nostrorum protectione, defensione et tutela speciali. Inhibentes insuper omnibus et singulis Capitaneis, Aduocatis ac Officialibus nostris presentibus et futuris, ne sepedictum monasterium Locum celi, fratres ac bona sua predicta in aliquo molestare, gravare aut perturbare audeant vel presumant. In cujus rei firmiter robur presentes litteras et nostro authentico sigillo iussimus roborari. Testes hujus rei sunt Nobiles viri Domini Gunther et Vlricus, Comites de Lindow, Dominus Segerus, prepositus Stendaliensis, Theodoricus et Rolekinus, presbiteri, Henricus de Redere, Henricus de Wedel, Hermannus de Luchou et Michabel, dictus Kratze, milites. Petrus Rako, Petrus Ryke et Conradus de Santoch, ciues nostri de Landesberghe, cum aliis pluribus ciuibus et clericis fidedignis. Datum in dicta Noua Landesberghe, anno domini millesimo trecentesimo VI^o, in vigilia Petri et Pauli apostolorum.

Aus Gercken's Cod. II, 322 nach dem Originale des Geh. Staatsarchives.

NB. Die Urkunde hat auch in der Originalausfertigung das lückenhafte Datum, wornach sie in die Jahre 1326, 1336 oder 1346 gesetzt werden kann. Indessen am 28. Juni 1346 war Ludwig überhaupt nicht in der Mark, am 28. Juni 1336 war er zu Wittenberg. Es bleibt also nur das Jahr 1326 übrig. Für dies Jahr paßt aber, wie Gercken schon richtig bemerkt hat, nicht der Titel Carinthie Dux, der dem Markgrafen um diese Zeit noch nicht gebührte. „Uebershaupt“, bemerkt Gercken sehr richtig, „ist mir der ganze Schenkungsbrief fast zu favorabel“. Wir haben in diesem Documente wahrscheinlich eine falsche Urkunde vor uns.

XVI. Markgraf Ludwig bestätigt dem Kloster Colbaz oder dem zu errichtenden Kloster Himmelsstätt die Schenkungen seiner Vorgänger, am 15. August 1328.

Nos Ludouicus, dei gratia Brandenburgensis et Lusatie Marchio, Comes Palatinus Rheni et Bauarie Dux. Vniuersis ac singulis, ad quos presens scriptum peruenerit, salutem et omne bonum. Accedens ad Serenitatis nostre presentiam venerabilis et religiosus vir Dominus Theodoricus, Abbas monasterii in Colbaz ordinis Cisterciensis, nobis humiliter ex parte sui et conventus ipsius supplicauit, quatenus privilegia, libertates, emunitates, gratias, donationes, jurisdictiones et jura per illustrem principem Dominum Albertum, Marchionem Brandenburg-